

24. CHATTE, LICHIEU AVEC UN FILLE

Alors un jour ti ennan un M'sier avec un Madame. Zotte ti ennan un fille. Un jour li avec son m'sier ti alle dans pays, y quitte son fille dans son la case avec un chatte un lichien. Sa lichien ti son cuisinier, sa chatte ti travaille dans la case. Sa fille jamais ti deja sorti dehors. Tout sa qui y ti besoin lichien i donne chatte, et chatte y servie li. Sa fille ti reste dans un grand la case. Ti ennan sept letages. Un jour lichien tine cuir sont manger grand matin in couvert dans la cuisine. Apres y alle rode dibois. Chatte i sorti dehor i alle la cuisine y decouvert marmitte i mange tous mange, apres i faire malprote dans marmitte i couvert et y sauve dans bois. L'heure lichien y vini i bien fatigue i rentre dans la cuisine i decouvert son marmitte i voir malpropter chatte dans marmitte, i fini encolere. I rentre cotte sa fille i demande li oli chatte. Sa fille i dire li chien "depuis beau matin chatte ine aller, ni un peu tithe i pas donne moi lichien." Lichien i dire mamzelle ou connais qui chatte ine faire in mange tous manger i faire malpropte dans marmitte." Lichien i dire "Mamzelle moi pe alle rode chatte.

Mamzelle i veille lichien, lichien pas vini. Faire noir pe faire i na pas ni z'alumette pour li allume du feu. I prend son grand chapeau i mette lo son la tete, sa mamzelle i aller i voir un ti la case un peu loin y aller i voir in vieux Tonton. Y dire "Bonjour tonton, mon vine rode in peu di feu cotte ou." La sa mamzelle i raconte sa tonton tous sa qui arrive li. Sa tonton i donne li un boite z'alumette un peu di riz i dire li semme dans son chemin pour li connais cotte i rester ten en temps y a vini voir li. Sa leur ti en Loulou, sa fille pas ti connais si un loulou i semme son diriz jusqu'a chez li. L'heure sa fille ya arrive chez li y allume son di feu i faire son dithe i boire i ferme son la porte et y alle dormir. Sa loulou i arrive i commence casse la porte. L'heure i pe casse deuxieme tout son z'ongle i rester dans la porte. Sa loulou y aller. Son lendemain i faire malheur sa mamzelle. I lever beau matin i vouvet son la porte leur arrive lo sixieme la porte i y voir son la porte ine casse. I voir septieme ine casse nette a terre. Apresent sa mamzelle ine peur i voir in ti quette chose dans la porte i passe son zongles et griffe loulou i

casse dans son zongle sa fille i tombe mort.

Son manman et son papa y arriver zotte voir son fille mort son manman avec papa i commense pleurer i ramasse son fille i mette dans cercueille diplomb et i ammene son fille avec li. Zotte zette dans la mer zotte aller zotte pas vire derriere ti tout. Ti ennan deux garcons ya assise lo l'anse, un ine marrier un pencore marrier. Sa quine marier i dire "Sa qui la dans pour moi, l'autre i dire sa qui dehors pour moi. L'heure noir pe faire sa z'homme qui marier i dire avec l'autre "Mon z'ami aller ou manman a dispute avec ou. Sa qui poue ou moi donne ou demain." Sa garcon i voir sa cerceuille i redi lo l'anse i prend son caniffe i ouvert et i voir un fille la dans comme si sa fille ti peu dormir. I visite sa fille i voir quechose dans son z'ongles i passe son caniffe i tire i voir in griffe loulou. Sa fille i lever i dire "A mesieur ou sauve moi, Merci." Ca z'homme i ammene sa fille i mette lo un pied di bois aubord la riviere pres avec son la case.

Beau matin son madame i vine cherche de l'eau i guette en l'air i voir sa fille i dire avec sa fille "A mamzelle decendre moi peigne ou", sa fille i descendre i pousse li dans de l'eau. L'heure sa fille y tombe dans de l'eau i pousse un pied rose. L'heure sa homme i vine i guette en l'air cotte i ti mette li i pas voir li, y voir un pied rose dans de l'eau. Sa z'home i magine i dire mon femme quine faire ma malice. I coupe sa branche rose i mette lo son la table. Demain matin l'heure i leve i dire avec son femme "Sa rose qui ou voir lo la table pas touche quand meme ou voir li i graine quitte li la meme." Sa z'homme pencore vire le dos sa femme i prend tout sa pied rose i jette par la fenette. I pousse deux pied brede. Un pied y ti vert et un pied ti rouge. L'heure son mari i vini i demande li oli sa rose, i dire mon zetter. Alle guetter par la fenetre. Sa z'homme i aller i voir deux pied breds i dire avec son femme "Demain coupe sa pied breds vert e faire un bon bouillon pour moi." Sa femme y aller coupe pied bred rouge i faire bouillon. L'heure i guete dans son marmitte y voir un grand marmitte du sang. L'heure son mari y vini y alle guette la cuisine pour boire son bon bouillon brede y voir un grand marmitte di sang. Sa z'homme i fini en colere i prend sa marmite bred i zette dans un croisee chemin. Y pousse un grand pied mangue sabre. Tout les

beau matin ti ennan un madame malbar i alle vende dilait. L'heure i passe dans croisse chemin i voir sa pied mangue i guette en l'air i voir un gros mangue i dire "A zotte acause sa mangue pas tombe dans mon panier." Comment i fini dire sa, mangue i tombe dans son panier. Y troune y alle amene son mangue chez li i mette lo son la table. L'heure i retourne i sorti ammene son di lait i plusse son mangue, i mange avec son mari. I prend son loyio i ammasse i dire pour li planter lendemain beau matin. Sa femme malbar y alle ammene encore son dilait. L'heure i retourne tout son l'ouvrage in faire. I dire "Sa qui faire mon l'ouvrage." Lendemain y faire pareille, son lendemain encore. Son lendemain i dire mon pou aller ammene dilait, moi pour veiller sa qui faire mon l'ouvrage. Vrement sa femme i veiller i voir un joli fille peu faire son l'ouvrage. Sa femme i sorti i ratrappe li, i dire mamzelle cotte ou sorti. Sa mamzelle y raconte li sa madame Malbar ti bien content, y dire avec sa fille "Dire moi manman mon mari papa leur dimonde y demande ou pour qui piti dire pour madame malbar. Ti ennan un madame i reste pres aux bord sa madame malbar. Sa meme madame qui ti zette li dans de l'eau. L'heure sa madame i voir sa fille i dire avec li: "Mamzelle pour qui piti ou." Sa mamzelle i repond li "pour madame malbar. Y dire acause ou manman avec ou papa i noir ou ou blanc ou cheveux i droite. Sa fille i dire avec li ou connais accause, mon cheveux i droite moi ti prend un quantite piquants z'oranges mon ti pique la dans mon la tete. Apres moi ti ammare un serviette trois jours. Leur mon tire in droite. Sa madame i croire vrait, y alle rode un quantite piquants prume, i faire sa fille pique dans son la tete. Sa fille i garnir avec un serviette et y pas dire sa femme narien. Y sauver. L'heure i passe trois jour sa femme i commence souffert tout la nuit et la journee. Son mari i dire avec li acause ou pi commeca. Aller prend ou bain. Sa z'homme i fou li un calotte dans son la tete, son serviette i envole. Leverre i graine dans son la tete sa femme i mort apres sa z'homme ti marier avec sa fille.